



Broj: UP09-07-3-1371/17  
Sarajevo, 13.09.2017. godine

Ministarstvo pravde Bosne i Hercegovine, rješavajući Zahtjev Fondacije "Centar Duga Art", sa sjedištem u Kulen Vakufu, ulica Patriotske lige broj 2, zastupane po punomoćniku Alečković Kemalu, advokatu iz Sarajeva, u predmetu upis promjena u Registru fondacija, na osnovu člana 43. stav 2. Zakona o udruženjima i fondacijama Bosne i Hercegovine («Službeni glasnik BiH», br. 32/01, 42/03, 63/08, 76/11 i 94/16) i člana 4. stav 1. Pravilnika o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija («Službeni glasnik BiH», br. 44/10 i 14/12), donosi

### RJEŠENJE

1. U Registru fondacija Ministarstva pravde Bosne i Hercegovine, kod Fondacije "Centar Duga Art", sa sjedištem u Kulen Vakufu, ulica Patriotske lige broj 2, upisane pod registarskim brojem: 73, Knjiga II Registra, dana 18.02.2009. godine, upisuju se promjene, kako slijedi:
  - 1.1. Usvajanje Statuta Fondacije Broj: 01/2017 od 19.06.2017. godine.
  - 1.2. Upisuje se znak Fondacije. Znak Fondacije je stilizovani znak žene koja u naručju drži dijete, u donjem dijelu kruga piše riječ FONDACIJA, a u gornjem dijelu CENTAR DUGA ART.
2. Prestaju ovlaštenja za zastupanje Fondacije u pravnom prometu Lješčanin Admiru, predsjedniku Upravnog odbora Fondacije.
  - 2.1. Osoba ovlaštena za zastupanje Fondacije u pravnom prometu je: Sabina Lješčanin, predsjednica Upravnog odbora Fondacije.
2. Razrješenje i imenovanje članova Upravnog odbora Fondacije.
3. Ostali upisi u Registru fondacija, ostaju neizmijenjeni.
4. Ovo Rješenje će se objaviti u „Službenom glasniku BiH“ o trošku podnosioca Zahtjeva i na internetskoj stranici Ministarstva.

### Obrazloženje

Fondacija "Centar Duga Art", sa sjedištem u Kulen Vakufu, ulica Patriotske lige broj 2, upisana je u Registar fondacija kod Ministarstva pravde Bosne i Hercegovine, pod registarskim brojem: 73, Knjiga II Registra, dana 18.02.2009. godine.

Fondacija je dana 30.06.2017. godine podnijela Zahtjev za upis promjena u Registru fondacija ovog Ministarstva.

U toku postupka, Ministarstvo je utvrdilo da zahtjev nije potpun, te da sadrži nedostatke i nepravilnosti zbog kojih nije moguće izvršiti upis promjena u Registru. Ministarstvo je podneskom Broj: UP09-07-3-1371/17 od 14.07.2017. godine, zatražilo ispravku i dopunu zahtjeva.

Nakon otklanjanja nedostataka Fondacija je uz Zahtjev za upis promjena u Registru fondacija dostavila sljedeću dokumentaciju: Punomoć za Alečković Kemala, advokata iz


Sarajeva od 19.06.2017. godine; Odluku o usvajanju novog Statuta Fondacije Broj: 02/2017 od 19.06.2017. godine; Statut Fondacije "Centar Duga Art" Broj: 01/2017 od 19.06.2017. godine u dva primjerka; Odluku Broj: 03/17 od 19.06.2017. godine; Odluku o razrješenju i imenovanju predsjednika Upravnog odbora Broj: 04/17 od 19.06.2017. godine; Odluku o razrješenju i imenovanju lica ovlaštenog za zastupanje Fondacije u pravnom prometu Broj: 05/17 od 19.06.2017. godine; ovjerene fotokopije ličnih karata, pasoša i potvrde o prijavi boravka Broj: 020116 članova Upravnog odbora Fondacije i lica ovlaštenog za zastupanje Fondacije; ovjeren potpis lica ovlaštenog za zastupanje Fondacije; primjerak znaka Fondacije i dokaz o uplati administrativne takse.

Uvidom u priloženu dokumentaciju utvrđeno je da su ispunjeni uslovi predviđeni Zakonom o udruženjima i fondacijama Bosne i Hercegovine i Pravilnikom o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija za upis promjena u Registru fondacija kod Fondacije "Centar Duga Art", te je riješeno kao u dispozitivu.

Na ovo Rješenje naplaćena je administrativna taksa u iznosu od 200,00 KM za upis promjena u Registru fondacija, u skladu sa članom 33. stav (2) tačka b) navedenog Pravilnika.

**Pouka o pravnom lijeku:**

Protiv ovog rješenja nije dopuštena žalba, ali se može pokrenuti upravni spor tužbom pred Sudom Bosne i Hercegovine. Rok za podnošenje tužbe je 60 dana od dana prijema ovog rješenja.



**Dostavljeno:**

- Fondaciji "Centar Duga Art";  
putem punomoćnika Alečković Kemala, advokata iz Sarajeva;  
Ulica Branilaca Sarajeva broj 21, 71000 Sarajevo,  
i ovjeren primjerak Statuta Fondacije  
Broj: 01/2017 od 19.06.2017. godine;
- Zbirka isprava;
- JP NIO "Službeni list BiH".